



Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiæ & Iuris Canonici Doctoris |||
celeberrimi, ac Ecclesiæ Ham-||burgensis quondam
Decani**

Krantz, Albert

Coloniae, 1574

Capvt XXI.

urn:nbn:de:hbz:466:1-11453

immerentem Brunswici publico cæsum gladio: Auecti
cum caperentur, diu tenebantur: nec poterant ullis con-
ditionibus laxari, quanvis multa intentaret dux Lune-
burgensis, in cuius interposita publica fide capti essent,
priusquam interueniret idem Henricus dux Brunswic-
ensis: Tum enim solutis non paucis millibus aureorum,
ex suo quisque, sunt captiuitate laxati. Cardo rerum fe-
rebatur, quod Henrico duci cupido incesserat perna-
scendi, que in conuentu illo cum Henrico duce fratru-
le eius, à ciuitatum oratoribus acta essent: Idq; innotu-
it, interceptis inter alia literis, dum memorati viri ca-
perentur. Sed fratruelium principum amor ac familia-
ritas, antè quidem tenuis, ex ea causa non magnopere
augebatur.

CAPVT XXI.

Maximilianus interim Romanorum rex in Itali-
am ire constituit, Imperij coronam in Vrbe ac-
cepturus: In quam rem facto principum in & formati-
m magno conuentu, cœpit agere de illa profectione, hor-
tatus principes, qui multi ad eum diem conuenerant;
vt in eam expeditionem pro Imperij honore se appa-
rarent, accingerentque: Simul ostendens, quanta reb
Christianæ essent discrimina ab scuissimo nominis Chri-
stiani hoste Turco. Animauit principes de illustri victo-
ria, quam nupèr Fernandus Hispaniarum rex de occu-
pato Granata regno reportasset: vt decennali bello
fortissimum regem oppugnârit, attenuârit, & omni
datione exuierit, Christianismo reddens prouinci-
am per annos ferè octingentos possessam à Sarace-
nis: Mouitque vehementer principes omnes transitus
Karoli Francorum regis, eius nominis VIII. in Itali-
am, quam ille sine magno labore peruasisset, vsque

ad regnū Neapolitanū occupandū: quod etiam armis
redegerit in suā potestatē, paucis arcibus exceptis, que
inexpugnabiles haberentur. Tū verò communicato in-
ter principes consilio, institutum est quo ordine in eam
expeditionem sumptus necessarij colligerentur ex viroq;
ordine cleri & populi, de certa in aliquot annos prouen-
tuum quota exporrigenda. Satis tum salubriter omnia
prouisa sunt, multa ad pacem constituta: De mone-
ta quoquè, quæ plurimū inter omnes habebat momen-
ti, tum in certam formam est conuentum. Sed expecta-
ta est in hodiernum salutarium constitutionum exe-
quio. Renouatae deinde crebrius principum regni
conuentiones: In Lindoꝝ ad locum Euetum: in Fri-
burgum, in Augustam, in Nurenbergam: Multa deli-
berata: Sed necdū venisse tempus magnarum ex
Germania rerum cernimus. Interim Romanorum rex
secundis institit nuptijs, accepta coniuge filia ducis Me-
diolani, eius, quem ante aliquot annos casum ferunt in
ecclesia diui Stephani Mediolani: cuius frater Ludouicu-
sus dux de Bari, gubernacula apprehendens, non fa-
cile potuit dimittere, ad inuidiam omnium Italiae
principum: Qui vbi vidit inde sibi creari negocium, in-
triduxit in Italiam Karolum Franciæ regem eius nomi-
nis VIII. ad occupandum, quod diximus, regnum Nea-
politanum: ut impliciti Italiae principatus proprijs rebus,
quibus ab illo regē formidarēt, interim sūi obliuiscerent-
tur. Per quæ tempora perijt verus & legitimus successor
in ducatu, huius reginæ germanus frater, quod certū est:
incertum verò, veneno, an morbo. Ludouicus interim re-
gina patruus, per Romanorum regem, missō in eam cau-
sam cancellario suo, inuestitur de ducatu: quod nec pa-
ter eius, nec frater vñquam poterant ab Friderico Im-

peya-

Imperatore vllis conditionibus impetrare, multis in eam
rem expromissis: quod diceret esse Mediolanum came-
ram Romani Imperij, vacuatam morte Philippi nouissi-
mi ducis de Vicecomitibus: Causamq; illam integram
seruabat Fridericus successor. Nec imprudens poterat
quisquam regis nostri consilium subaccusare, quod ad
transitu Italiae blandiendum erat duci Mediolani: quod
ante illum fecit Sigismundus Philippo, & nunc maiori
spes faciendum erat Maximiliano, quod Ludouicus pri-
dem ducebat in Italiam Franciae regem, inopinato, &
iussperato superuenientem Florentinis, quod nullis ante
admonitionibus hoc praecauissent. Vnde factum est, ut
restitutis per eum Pisis in pristinam libertatem, redu-
ctaq; familia de Patzis exulante, alia de Medicis ex-
truderetur, Florentini multa centena millia aureorum,
aut muneris, aut mutui specie regi numerarent, Roma-
norum rege simile aliquid ab affine suo prestolante: In
quam rem tam facile prebuit aurem inuestituræ eius.
Sed tum intermissa profectionis instituto, idem rex de-
scendens in occiduas filij partes videre quid ageretur,
per suæ absentiam, fertur in Antwerpia crucem sustulisse
in pectus cum omni familia, cum prætenderet expedi-
tionem in Turcum, sœpè animis destinata: sed in exequi-
tione necdum qualibuscung; impedimentis perductam.

C A P V T X X I I .

Nec diù post implicatur magno Switensium bel-
lo, (Heluetios dixerunt antiqui) qui veteri ferun-
tur in domum Austriae odio laborare: quam cruentie
sæpè prælijs attenuarunt, & nunc Francorum regi de-
vincti fædere ferebantur, sati contumaces regi Roma-
norum: cum tamen Imperio subditos negare se non pos-
sint. Magnam Suevia ligam rex induxit super eos, vt